



অবিলম্বে প্রকাশের উদ্দেশ্যে: 7/15/2022

গভর্নর ক্যাথি হোকল

নিউ ইয়র্ক স্টেটে সাশ্রয়ী ব্যাংকিংয়ের অঙ্গীকারাবদ্ধতা অব্যাহত রাখতে গভর্নর হোকলের আইন স্বাক্ষর

আইনটি (S.9348/A.8292) আর্থিক পরিষেবা বিভাগকে ওভারড্রাফট ফি সম্পর্কে একটি অধ্যয়ন পরিচালনার জন্য নির্দেশ দিচ্ছে

গভর্নর ক্যাথি হোকল আজ আর্থিক পরিষেবা বিভাগের (Department of Financial Services) সুপারিন্টেন্ডেন্টকে নিউ ইয়র্ক স্টেটে ব্যাংকের ওভারড্রাফট ফি সম্পর্কে একটি অধ্যয়ন পরিচালনা করার নির্দেশ দিয়ে একটি আইন (S.9348/A.8292) স্বাক্ষর করেছেন। এই প্রতিবেদন মাত্রাতিরিক্ত আর্থিক ফি মোকাবেলায় স্টেটের চলমান প্রচেষ্টাকে অবহিত রাখবে এবং নিম্ন-আয়ের নিউ ইয়র্কবাসীদের সাশ্রয়ী ব্যাংকিংয়ের বিকল্প অ্যাক্সেস করতে সাহায্য করবে যা তাদের কষ্টার্জিত সঞ্চয় সুরক্ষিত রাখবে ও বৃদ্ধি করবে।

"নিউ ইয়র্কবাসীদের মহামারীর অর্থনৈতিক ক্ষতি কাটিয়ে উঠার এই সময়ে, সাশ্রয়ী ব্যাংকিং পরিষেবাগুলোর অ্যাক্সেস বৃদ্ধির জন্য আমাদের সাধ্যমতো প্রচেষ্টা চালিয়ে যাওয়া অত্যন্ত গুরুত্বপূর্ণ," বলেছেন গভর্নর হোকল। "এই আইন প্রত্যেক নিউ ইয়র্কবাসীর জন্য তারা কোথায় বসবাস করছেন তা নির্বিশেষে তাদের প্রয়োজনগুলো ব্যবস্থাপনা ও নিরাপদ করার জন্য কম-খরচের ব্যাংকিং পরিষেবায় অ্যাক্সেস থাকা নিশ্চিত করতে সাহায্য করবে।"

আর্থিক পরিষেবা বিভাগের সুপারিন্টেন্ডেন্ট অ্যাড্রিন এ. হ্যারিস বলেন, "এই আইন প্রণয়নের জন্য এবং নিম্ন- ও মধ্যম-আয়ের ব্যক্তি, অভিবাসী, ও অশ্বেতাঙ্গ ব্যক্তিদের জন্য সহ সুবিধাবঞ্চিত কমিউনিটিগুলোতে সাশ্রয়ী ব্যাংকিং পণ্য ও সেবা লভ্য করে তুলতে নিউ ইয়র্কের অঙ্গীকারাবদ্ধতা অব্যাহত রাখার জন্য আমি গভর্নর হোকল ও আইনসভাকে সাধুবাদ জানাই। সব নিউ ইয়র্কবাসীর জন্য একটি সমতাপূর্ণ ও স্বচ্ছ আর্থিক ব্যবস্থা গড়ে তুলতে DFS সম্ভাব্য সব পদক্ষেপ গ্রহণ অব্যাহত রাখবে।"

এই আইন DFS-কে নিউ ইয়র্ক স্টেটে ওভারড্রাফট ফি সম্পর্কে একটি অধ্যয়ন পরিচালনা করতে এবং নিম্নলিখিত বিষয়গুলো পরীক্ষা করতে নির্দেশ দিচ্ছে:

- নিউ ইয়র্কে পরিশোধিত ওভারড্রাফট ফি এর মোট পরিমাণ।
- এধরনের ফি এর ভৌগোলিক বন্টন।

- কোনো কমিউনিটিতে ওভারড্রাফট ফি এর উচ্চ হার রয়েছে কিনা এবং এধরনের উচ্চ হারের সম্ভাব্য কারণ।
- প্রত্যক্ষ বা পরোক্ষ সমঝোতার মাধ্যমে কমে আসা ওভারড্রাফট ফি এর শতকরা পরিমাণ।
- প্রতিষ্ঠানগুলো কিভাবে ফি সংক্রান্ত সমঝোতা বিষয়ক ভোক্তা অধিকার প্রকাশ করে।

স্টেট সিনেটর জেমস স্যান্ডার্স জুনিয়র বলেন, "প্রতি বছর নিউ ইয়র্কবাসীদের কয়েক মিলিয়ন ডলার ওভারড্রাফট ফি এর ব্যয় বহন করতে হয়। নিম্ন-আয়ের অধিবাসীরা ইতোমধ্যে নিত্যদিনের খাবারের যোগান দিতে সংগ্রাম করে যাচ্ছেন। এই আইন আমাদেরকে ওভারড্রাফট ফি এর সত্যিকারের প্রভাব অনুধাবন করতে সাহায্য করবে যাতে আমরা সমস্যাটি সমাধান করার উপায় খুঁজে বের করতে পারি।"

অ্যাসেম্বলি সদস্য প্যাট্রিশিয়া ফ্যাহি বলেন, "অনেক বেশি সংখ্যক নিউ ইয়র্কবাসী, বিশেষ করে নিম্ন আয়ের ব্যক্তি এবং সুবিধাবঞ্চিত কমিউনিটিগুলোতে বসবাসকারীরা, ব্যক্তিগত আর্থিক স্থিতিশীলতার পথে প্রতিবন্ধক হয়ে দাঁড়ানো আগ্রাসী ওভারড্রাফট ফি মোকাবেলা করতে সংগ্রাম করে যাচ্ছেন। শুধু 2019 সালেই আমেরিকানরা 15.5 বিলিয়ন ডলারের বিশাল অংকের ওভারড্রাফট ফি পরিশোধ করেছেন। আর্থিক পরিশেবা বিভাগকে ওভারড্রাফট ফি এবং নিউ ইয়র্কবাসীদের উপর সেগুলোর প্রভাব সম্পর্কে অধ্যয়ন পরিচালনা করার নির্দেশ দেওয়ার মাধ্যমে, আমরা নিউ ইয়র্কবাসীদের ও তাদের আর্থিক অবস্থার উপর ক্রমবর্ধমান এই আর্থিক বোঝা কিভাবে সবচেয়ে ভালোভাবে কমিয়ে আনা যায় সে ব্যাপারে সুস্পষ্ট ধারণা পাবো। এই গুরুত্বপূর্ণ বিলটিকে স্বাক্ষর করে আইনে পরিণত করায় গভর্নর ক্যাথি হোকলকে ধন্যবাদ এবং এই সমস্যার ব্যাপারে তারা ইতোমধ্যে যেসব পদক্ষেপ গ্রহণ করেছেন সেজন্য আর্থিক পরিশেবা বিভাগকে ধন্যবাদ।"

এই আইন এবং এটির ফলস্বরূপ সম্পন্ন হওয়া অধ্যয়ন ও প্রাপ্ত ফলাফলের প্রতিবেদন দুর্বহ, অস্বচ্ছ, ও লুপ্তনমূলক ফি এর রীতি মোকাবেলার জন্য গভর্নর হোকলের চলমান অঙ্গীকারাবদ্ধতার পরিপূরক হিসেবে কাজ করবে। এই সপ্তাহের শুরুতে, গভর্নর নিউ ইয়র্কের নিয়ন্ত্রণাধীন ব্যাংক, ক্রেডিট ইউনিয়ন ও অন্যান্য ডিপোজিট গ্রহণকারী প্রতিষ্ঠানকে নিম্নলিখিত রীতিগুলো এড়িয়ে চলার জন্য সতর্ক করে দিয়ে [নির্দেশনা](#) প্রদান করার জন্য DFS-কে নির্দেশ দিয়েছে:

- পজিটিভ লেনদেন অনুমোদন, নেগেটিভ লেনদেন মীমাংসা: প্রতিষ্ঠান কর্তৃক অনুমোদিত হওয়ার সময় ভোক্তার লেনদেনটি সম্পন্ন করার মতো পজিটিভ অ্যাকাউন্ট ব্যালেন্স থাকা সত্ত্বেও ভোক্তাকে ওভারড্রাফট ফি চার্জ করা।
- নিষ্ফল ওভারড্রাফট সুরক্ষা স্থানান্তর থেকে উদ্ভূত দ্বিগুণ ফি: ওভারড্রাফট এড়ানোর জন্য কোনো ভোক্তার অপরিষ্কার ব্যালেন্স থাকা অপর অ্যাকাউন্ট থেকে "ওভারড্রাফট সুরক্ষা" স্থানান্তরের জন্য ভোক্তার উপর একটি ফি ধার্য করা, যার ফলে ভোক্তাকে একটি ওভারড্রাফট ফি এবং একই সাথে "ওভারড্রাফট সুরক্ষা" স্থানান্তরের ফি পরিশোধ করতে হয়।

- পুনঃউপস্থাপন ফি: যথাযথভাবে তথ্য প্রকাশ না করেই, একই প্রত্যাখ্যাত লেনদেনের জন্য কোনো ভোক্তার উপর একাধিকবার NSF ফি ধার্য করা, যেখানে মার্চেন্ট অর্থ সংগ্রহের জন্য দ্বিতীয় বা তৃতীয় বারের প্রচেষ্টায় ব্যাংকিং প্রতিষ্ঠানের কাছে একই লেনদেন পুনঃউপস্থাপন করে থাকে।

এছাড়াও আজকের এই বিল স্বাক্ষরিত হওয়া স্টেটের সাশ্রয়ী ব্যাংকিংয়ের আবশ্যিকতা পূরণের জন্য স্টেট-নিয়ন্ত্রিত ব্যাংকগুলোকে "ব্যাংক অন" সার্টিফাইড অ্যাকাউন্ট অফার করতে উৎসাহিত করে এপ্রিল মাসে প্রদত্ত নির্দেশনাকে অনুসরণ করছে। ব্যাংক অন অ্যাকাউন্টগুলো ওভারড্রাফট ফি দূর করে এবং সুবিধাবঞ্চিত কমিউনিটিগুলো থেকে আসা ব্যক্তিদের ব্যাংকিং সিস্টেম ব্যবহারে আকৃষ্ট করার জন্য অত্যন্ত গুরুত্বপূর্ণ।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418